

## **De be Mbeti ti Nzapa - Comfort Scriptures**

**2 Corinte 1:2-4 Grâce na siriri ti Nzapa Baba ti ani na ti Seigneur Jésus-Christ a douti na i. 3 Sala tene-ndjoni na Nzapa na Baba ti Seigneur ti ani Jésus-Christ, Baba ti be-ndjoni, na Nzapa ti lounguela voundou koue, 4 Lo so A lounguela voundou ti ani na ya pono ti ani koue, si ani lingbi lounguela voundou ti ajo so a hou pono, ani lounguela voundou ti ala legueoko tonga na Nzapa A lounguela voundou ti ani.**

**Aproverbe 15:13 Be so a yeke na nguia a sala si lè ti jo a sî na nguia; Mais na legue ti voundou ti be, yingo ti jo a fa'.**

**1 Kings 8:66 Na la miombe ni, lo to ajo ni ti kiri na kodro ti ala; na ala iri tene-ndjoni na ndo gbia, na ala goue na tente ti ala na tâ nguia, na be ti ala a yeke na nguia teti ye koue ti ndjoni so L'Eternel A sala na David boy ti Lo na ajo ti Lo Israël.**

**1 Chronique 16:10 I sala gloire na iri ti Lo ti ndjoni-koue; Djia be ti ala so a gui L'Eternel a douti na nguia.**

**Aproverbe 12:25 Voundou na ya be ti jo a sala si lo bâ bângô, Mais ndjo tene a mou nguia na be ti jo.**

**Aproverbe 13:12 Ye ti bekou so a si fade pepe a mou kobela na be ti jo, Mais tonga na ye so be a ye a si, a ga keke so a mou fini.**

**Esaïe 30:26 Na a ho so, na la ni so L'Eternel A kanga bio ti ajo ti Lo so a fa', na Lo sala si ka ni so Lo pika ala na ni a mou, fade soungo ti nze a ga tonga na soungo ti la, na soungo ti la a ouou legue mbassambala, alingbi na soungo ti la mbassambala.**

**Osée 13:8 Fade Mbi gbo ala na legue tonga na mama ti ours so jo a ndji amelengue ti lo, Mbi sourou be ti ala, na Mbi te ala ka tonga na mama ti bamara; fade gnama ti ngounda a sourou ala.**

**1 Samuel 1:8 Na koli ti lo Elkana a tene na lo, Anne, teti gne mo toto, teti gne mo te kobe pepe, teti gne be ti mo a yeke na voundou, mbi yeke ndjoni na le ti mo aho amelengue balioko pepe?**

**1 Samuel 1:10 Ame ti Anne a soui, na lo sambela L'Eternel, na lo toto mingui.**

**Psaume 25:16,17 Tourné lè ti Mo na mbi, sala be-ndjoni na mbi,**

**Teti ajo a djia mbi aoue, na ye ti voundou a sala mbi. 17  
Voundou ti be ti mbi a ouou mingui; Lounguela mbi na ya ye ti  
voundou ti mbi.**

**Psaume 34:19 L'Eternel A yeke ndoulou na ajo so be ti ala a fa'  
aoue, Na Lo sau ala so yingo ti ala a yeke na voundou.**

**Psaume 38:9 Ngangou ti mbi a oue, tele ti mbi a mboko mingui;  
Mbi toto mbanga ti bimango ti be ti mbi.**

**Psaume 55:5 Be ti mbi a yeke na voundou mingui na ya mbi, Na  
mbito ti koui a gbo mbi.**

**Psaume 61:3,4 Na nda ti sesse, fade mbi toto na Mo tonga na  
ngangou ti beti mbi aoue; Fa na mbi legue ti si na Téné so a yo  
na ndouzou aho mbi. 4 Teti Mo yeke Ndo Ti Bata Tele ti mbi,  
Tour Ti Ngangou ti honde mbi mbanga ti ouato.**

**Psaume 62:9 I ajo, i djia be ti i na Lo la koue; Fa tene ti be ti i na  
guigui na gbele Lo; Nzapa A yeke Ndo Ti Bata Tele ti ani.  
Sélah.**

**Psaume 73:26 Mi-tele ti mbi na be ti mbi a ouoko, Mais Nzapa A  
yeke Téné ti be ti mbi na Lo yeke Ye Tihéritier ti mbi la koue.**

**Psaume 77:3,4 Na la ti voundou ti mbi, mbi gui L'Eternel; Na bi,  
mbi ye maboko ti mbi, na mbi djia pepe; Ame ti mbi a ke tene ti  
lounguela voundou. 4 Mbi dabe mbi na Nzapa, na mbi bima;  
Mbi bi be ti mbi, na ngangou ti yingo ti mbi a oue. Sélah.**

**Psaume 86:11 O L'Eternel, Mo fa na mbi legue ti Mo, na fade mbi  
tambela nalegue ti tene-biani ti Mo. Sala si mbi douti na be oko  
ti kpe mbito ti iri ti Mo.**

**Psaume 109:22 Teti mbi yeke jo ti voundou, na ye a manqué mbi  
mingui, Na be ti mbi a ouara ka na ya mbi.**

**Psaume 112:7,8 Mbito a sala lo pepe tonga na lo ma tene ti sioye;  
Be ti lo a douti kpo, lo djia be ti lo na L'Eternel. 8 Be ti lo a  
kpingba, fade mbito a sala lo pepe, Juska lo ba ye ti ngangou  
so a ga na ndo aouato ti lo.**

**Psaume 143:4 Tonga so ngangou ti yingo ti mbi a oue na ya mbi,  
Be ti mbi a koui aoue.**

**Psaume 147:3 Ajo so be ti ala a fa' aoue, Lo sala si ala ga ndjoni,  
Na Lo kanga ka ti ala.**

**Aproverbe 14:30 Be so a douti ndjoni a yeke fini ti tele, Mais  
salango-be' a yeke ye so a fouti bio.**

**Aproverbe 15:13 Be so a yeke na nguia a sala si lè ti jo a sî na**

**nguia; Mais na legue ti voundou ti be, yingo ti jo a fa'.**

**Ecclesiastes 1:13 Na legue ti ndara, mbi djia be ti mbi da ti guinda ti ye na ti tara ye koue so ajo a sala na gbe ti yayou. So a yeke koussala ti ngangou so Nzapa A mou na amelengue ti ajo, si ala ouara voundou da.**

**Ecclesiastes 2:10 Ye so le ti mbi a ye, mbi gbandji le ti mbi na ni pepe. Mbi gbandji be ti mbi na mbeni nguia oko pepe, teti be ti mbi a ouara nguia na legue ti ye koue so mbi sala, na so a yeke founti mbi teti koussala koue ti mbi.**

**Ecclesiastes 2:22,23 Jo a ouara gne na legue ti koussala koue na voundou ti be ti lo, na koussala koue so lo sala na gbe ti la. 23 Teti la ti lo koue a yeke na voundou na koussala ti lo a yeke na guingo-be; même na bi, be ti lo a douti kpo pepe. Ye so a yeke sengue sengue nga.**

**Ecclesiastes 12:2 Teti tene so, mo lounguela voundou na be ti mo, na mo lounguela sioni na ya mi-tele ti mo; teti la ti melengue na la ti pendere a yeke sengue sengue.**

**Esaïe 30:29 Fade i sala bia legueoko tonga na i sala na bi ni so i bata fête ti ndjoni-koue; na fade be ti i a yeke na nguia legueoko tonga na nguia ti jo so a ma flûte, na lo loundou lo goue na Hoto Ti L'Eternel ti si na Téné ti Israël.**

**Esaïe 57:15 Teti Lo so A yeke na ndouzou mingui, Lo so A yeke la koue la koue, Lo so iri ti Lo a yeke Ndjoni-koue, Lo tene tonga so: Mbi douti na ndo ti ndjoni-koue so a yeke na ndouzou aho koue, na Mbi douti nga na tele ti jo so yingo ti lo a yeke na voundou, na lo yeke na tâ be ti melengue, ti kiri ngangou na yingo ti jo so a yeke na tâ be ti melengue, na ti kiri ngangou na be ti jo so yingo ti lo a yeke na voundou.**

**Esaïe 65:14 ba, fade aboy ti Mbi a sala bia teti nguia a yeke na be ti ala, mais i toto teti voundou a yeke na be ti i, na i toto na voundou teti yingo ti i a ouoko.**

**Esaïe 66:13,14 Legueoko tonga na melengue so mama ti lo a lounguela voundou ti lo, fade Mbi lounguela voundou ti i nga; na fade a lounguela voundou na be ti i na Jérusalem. 14 Fade i ba ye so, na fade be ti i a douti na nguia, na bio ti i a kpingba tonga na fini pele; fade L'Eternel A fa ngangou ti ti ti Lo na aboy ti Lo, na fade ngonjo a gbo Lo na tele ti aouato ti Lo.**

**Jérémie 15:16 A ouara tene ti Mo, na mbi te aoue, tene ti Mo a ga**

**ye ti nguia na tâ nguia na be ti mbi; teti a di iri ti Mo na ndo mbi, O L'Eternel Nzapa Ti Angangou Koue.**

**Jérémie 24:7 Fade Mbi mou na ala be ti hinga Mbi, ti hinga Mbi yeke L'Eternel; fade ala yeke ajo ti Mbi, na Mbi yeke Nzapa ti ala, teti fade ala kiri na Mbi na be ti ala koue.**

**Jean 14:1 I djia be ti i a gui i pepe. I ma na be na Nzapa, i ma na bena Mbi nga.**

**Jean 14:27 Mbi djia siriri na i. Mbi mou siriri ti Mbi na i. Mbi mou siriri na i pepe na legue so sesse so a mou siriri na jo. I djia be ti i a gui i pepe, na i djia mbito a sala i pepe.**

**Jean 16:6 Be ti i a sî na voundou teti Mbi tene ye so na i.**

**Jean 16:22 Tonga so i nga i yeke na voundou fade so. Mais fade Mbi kiri Mbi ba i, na fade be ti i a yeke na tâ nguia. Na jo oko a lingbi lounguela tâ nguia so pepe.**

**Acts 2:46 La na la, ala ngba ti sala be-oko na ya sedou ti Temple, na ala ngba ti fa' mapa na ya da ti ala, na ti te kobe na nguia na be-biani.**

**Aromain 9:2 Mbi yeke na voundou mingui, na be ti mbi a douti na voundou la koue.**

**2 Corinte 2:4 Teti na ya ye ti ngangou mingui na voundou ti be, mbi sala mbeti na i guiriri, na ngoule mingui, ti mou voundou na i pepe, mais ti sala si i lingbi hinga mbi ndoye i mingui aho.**

**Ephèse 5:19 i sala tene na popo ti i na legue ti psaume, ti bia ti Nzapa, na ti bia ti yingo, i sala bia na musique na be ti i na Seigneur;**

**Pastor T. John Franklin  
Church of Salvation, Healing, and Deliverance  
COS-HAD.org**